

I maraayay ku lalemedan

U maan ku lemed hakiya? Mangalay kaku a miebaw, mamaan cacay
yaca nu widi a bun dengay tu. Nanuadidi u kapahay tu ku nika'urip,
matalaw ku matu'asay nu maku a maduka kaku, sisa matiya kaku u dungi nu
kakarayan, sisa u maan ku kangalayan nu maku caay kanca picakay ku
wama atu wina. Sisa i nisimsim nu maku, u patahekalay tu pida tu sapicakay
tu kangalayan nu maku a maamaan, sisa mabana' satu tu ngeru' nu henihaw?
Caay, awaay ku banaba:na' aca, u raan nimaanan nu henihen a mietan tu
sapahabay i takuwan, caay kabana' kaku, u kararuman i namamaan
kalasawad nu henihen awaawaay ku bana' nu maku. U yaan sa a cacay, alumna
kiya militadahay a tamdaw, maede'edes amin, sisa caay kasilusa kaku, i tiya
miheca, siwa hen ku mihecaan nu maku, sisa alumna ku pakakilemelay tu
balucu' i tepar a mikalihud tu. U maan ku kabana'an nu siwaay ku mihecaan
a wawa, awaay ku bana' nu maku. yasa remiremiad sanay i tepar a kaput,
talacuwatu, miliyas tu wamin i takuwan, tepar han naku miliyaliyas tu , a
miraay i takuwan. U raecus nu maku hakiya? I matinitu a mabalal a mabana'
ku balucu' nu maku a masamata, a mapacekil, sisa miliyas tu kaku tu henian,
cima ku caayay kaduka ku tireng... “ nikahaen nu cabay, pihaceng ku
ada:da nu balucu atu tiretirengan ”.

Tuna mahaen ku nika'urip, misakilemel tu remiremiad. Araw mataelib
tu ku muketepay a miheca, cacay kaku a walesay saan a misarakarakat i
hahululan, a paengaw araw mamelaw, kira kangalayan nu maku, u
mipocabayay nira wina a minanam tu nikasasiwasaway nu batikar, atu tanu
harharsanay a mikuku i lalikul nu wama, tu nikangalay a micakep tu
sasalamaan. Sakilemelaan a midudu'. U nikangalay nira wawa, simsimsa
anu maku kiya. Ira katayraanay nu pasuba'ay, ya nikasasupadang nira
maramuday, mahaen kiyari ku kahemekan! Itiya makaen nu maku ku
alesuay a kakaenen, matiyasa u silumaay kaku mahaen ku nikadiheku nu
balucu'. Maanen naca u sasuayawen nu maku kira miadadaay tu balucu',
hacuwa hen kutangic nu maku a mararemed ku tatangan, a mainging nu
cidal kira salientes sanay a kabutian. Matu:katu a lemuwad, awaay tu ku
mipalalay a pakaranam i takuwan, awaay tu kira suni, mahaen ku
nikaaniwiw nu hekal, caay tu kananuwanuwang aca kaku, melaw sa tiya
mala atipulingay a papah, iyah! Ini tu ku kasienawan! U kabidangan nu
maku a “ kasienawan. ”

109 年全國語文競賽原住民族語朗讀【南勢阿美語】 國中學生組 編號 2 號
幸福在很遠的地方

什麼是幸福？我好想擁有它，縱使是短短的一分鐘也好。
從小，受盡父母疼愛，簡直是捧上天的小神仙，呼風喚雨般要什麼
有什麼！我不了解父母，就連他們是如何賺錢的，怎麼消失在世界上，
我都不清楚，留給我的不是美好的回憶，而是一群凶神惡煞的債主，在
父母的葬禮，我一滴淚也沒流，那年我才九歲，一個稚童能有多大能耐，
以前下課常常靠近我、對我崇拜的同學，只要我靠近就鳥獸散般遠離，
這一切都是我的錯嗎？我沒有一位真心相待的朋友，慢慢地，封閉了自
己，才不會受到傷害，才不會那麼「痛」。

十年過去，獨自到公園，夢看著母親扶著孩子東倒西歪的腳踏車，
氣喘如牛的跑在後頭，或是父親和孩子一同玩飛盤、跑步都是我內心渴
望的！餐館裡老闆和老闆娘協力、扶持，在那裡，我享受到美食和愛意，
溫暖我心！我難忘過去，多次溼著雙眼看著灰冷的房間，賴在床上不起
床，世界是如此寧靜，看著窗外綠葉泛黃，而我最討厭的冬天即將來臨。